


鞞波沙論

卷八

四百八  
洛八

50919



元祿九年丙子二月日重脩

皇圖環固 帝衢綴昌

佛日增輝 懋輪常轉

山城州天安寺法金剛院置



鞞婆沙論卷第八

洛

迦旃延子造 符秦罽賓三藏 僧伽跋澄譯

四聖諦處第三十二

四諦者苦諦習諦盡諦道諦問曰四諦有何  
性阿毗曇者說曰五盛陰是苦諦有漏因是  
習諦數緣滅是盡諦學無學法是道諦譬喻  
者說曰名及色是苦諦行及結是習諦行及  
結滅是盡諦止及觀是道諦鞞婆闍婆提說  
白八苦相是苦是苦諦餘苦雖苦非苦諦當  
來有愛是習是習諦餘愛及餘有漏法雖習  
非習諦當來有愛滅是盡是盡諦餘愛及餘  
有漏法滅雖盡非盡諦學八種道是道是道



諦餘學法及一切無學法雖道非道諦問曰  
如汝說阿羅漢應不成就二諦習諦及道諦  
不成就習諦者謂彼當來有愛是習諦彼阿  
羅漢除欲時當來有愛盡也不成就道諦者  
謂彼學八種道是道諦彼阿羅漢得果時捨  
學八種道尊者瞿沙說曰已陰及他陰衆生  
數非衆生數彼一切苦是苦是苦諦但觀時  
觀已陰不觀他陰衆生數非衆生數問曰何  
以故尔荅曰謂彼觀是苦此他陰衆生數非  
衆生數不能生苦無令此他陰衆生數非衆  
生數於此已陰生苦若無此已陰者彼他陰  
衆生數非衆生數當生何苦以是故彼作此

智生經中設數已陰極生苦他陰不如此因  
已陰他陰生苦不因他陰已陰生苦以是故  
觀已陰不觀餘謂已陰因及他陰衆生數非  
衆生數彼一切習是習習諦但觀時觀已陰  
因不觀他陰衆生數非衆生數謂已陰盡及  
他陰衆生數非衆生數盡彼一切是盡是盡  
諦但觀時觀已陰苦盡不觀他陰衆生數非  
衆生數盡謂已陰道及他陰衆生數非衆生  
數道彼一切是道是道諦但觀時觀已陰道  
不觀他陰衆生數非衆生數道如是說者謂  
已陰及他陰衆生數非衆生數彼一切是苦  
是苦諦觀時亦盡觀問曰如彼觀時觀苦彼

他陰衆生數非衆生數不生苦當何觀答曰  
設不生苦但彼一切有無智欲令生智有疑  
欲令生定有謗欲令生信復次何得他陰衆  
生數非衆生數不生我苦苦他以手以足打  
我者我寧不生苦耶如是若於上若木若石  
墮我上者我寧不生苦耶以是故謂已陰及  
他陰衆生數非衆生數彼一切是苦是苦諦  
觀時盡觀苦相故謂已陰因及他陰衆生數  
非衆生數因彼一切是習是習諦觀時盡觀  
本末故謂已陰盡及他陰衆生數非衆生數  
盡彼一切是盡是盡諦觀時盡觀止相故謂  
已陰道及他陰衆生數非衆生數道彼一切

是道是道諦觀時盡觀出要相故此是諸諦  
性已種相所有自然說性已當說行何以故  
說諦諦有何義答曰實義是諦義審義如義  
不顛倒義不虛義是諦義問曰若實義是  
諦義者虛空非數緣盡亦實亦審亦如彼何  
以故不立諦答曰謂法癡癡因離癡能離癡  
癡者是故苦諦癡因者是習諦離癡者是盡  
諦能離癡者是道諦彼立諦彼虛空非數緣  
盡非癡非癡因非離癡非能離癡是故彼不  
立諦或曰謂法刺刺因離刺能離刺刺者是  
苦諦刺因者是習諦離刺者是盡諦能離刺  
者是道諦彼立諦彼虛空非數緣盡非刺非

刺因非離刺非能離刺是故彼不立諦或曰  
謂法病病因離病能離病病是苦諦病因是  
習諦離病是盡諦能離病是道諦彼立諦彼虛空  
非數緣盡非病非病因非離病非能離病是故  
彼不立諦或曰謂法災患因離災患能  
離災患災患者是苦諦災患者是習諦離  
災患者是盡諦能離災患者是道諦彼立諦  
彼虛空非數緣盡非災患因非離災  
患非能離災患是故彼不立諦或曰謂法苦  
苦因離苦能離苦苦者是苦諦苦因者是習  
諦離苦者是盡諦能離苦者是道諦彼立諦彼  
虛空非數緣盡非苦非苦因非離苦非能離



苦是故彼不立諦或曰謂法陰陰因離陰能  
離陰陰者是苦諦陰因者是習諦離陰者是  
盡諦能離陰者是道諦彼立諦彼虛空非數  
緣盡非陰非陰因非離陰非能離陰是故彼  
不立諦或曰謂此岸彼岸河筏此岸者是苦  
諦彼岸者是盡諦河者是習諦筏者是道諦  
彼立諦彼虛空非數緣盡非此岸非彼岸非  
河非筏是故彼不立諦或曰彼虛空非數緣  
盡無漏故不攝苦諦習諦無記故不攝盡諦  
無爲故不攝道諦或曰彼虛空非數緣盡常  
故非三諦無記故非盡諦或曰彼虛空非數  
緣盡非陰故非三諦無記故非盡諦或曰彼

虛空非數緣盡非世故非三諦無記故非盡  
諦或曰謂法喜處緣及猒處緣彼立諦彼虛  
空非數緣盡非喜處緣亦非猒緣以是不立  
諦或曰謂法邪見及無漏見緣是立諦彼虛  
空非數緣盡非邪見亦非無漏見緣是故彼  
不立諦或曰謂法是因是果彼立諦彼虛空  
非數緣盡非是因非是果是故彼不立諦問  
曰若不顛倒義是諦義者不應顛倒諦所攝  
以顛倒故答曰行故相貌故一向顛倒住故  
說顛倒如彼有審實種相如是諦所攝或曰  
如彼有因有果是諦所攝如無常計常苦計  
樂不淨計淨無我計我如是說顛倒問曰若

不虛義是諦義者不應虛諦所攝以虛故答  
曰姦偽欺誑一向佞諂住故說妄語如彼有  
審實種相是諦所攝或曰如彼有因有果是  
諦所攝如不見言見見言不見不聞言聞聞  
言不聞不分別言分別分別言不分別鼻舌  
身三  
情摠  
名也不知言知知言不知是說妄說是謂實

義是諦義審義如義不顛倒義不虛義是諦  
義問曰苦有何相習盡道有何相尊者婆須  
蜜說曰逼迫相是苦相本末相是習相止相  
是盡相出要相是道相重說曰已轉成是苦  
相當轉相是習相離行相是盡相能離行相  
是道相重說曰已成輪轉生死是苦相當輪

轉生死是習相已離輪轉生死是盡相能離  
輪轉生死是道相尊者曇摩多羅說曰諸尊  
處所中作諦相彼五盛陰培阜如鐵團入三  
苦依在內雜如鐵團著火中火入鐵同火色  
觀苦當如是此苦行所轉結所變易有所趣  
連續有此合會有當觀習諦中起離結行不  
復連續有此合會有當觀是盡諦修習止觀  
知興衰法有因得盡此合會有當觀道諦是  
故說諸尊處所中作諦相如世尊所說偈  
一諦無有二 謂衆生生疑  
難陀觀諸諦

我說非沙門

問曰如四諦何以故佛說一諦無有二尊者

波奢說曰一一諦故世尊說一諦無有二一  
諦者是苦諦更無二苦諦一諦者是習諦更  
無二習諦一諦者是盡諦更無有二盡諦一  
諦者是道諦更無有二道諦是故世尊說一  
諦無有二或曰一諦者是盡諦斷多計解脫  
意故異學欲令多有解脫無身無量意淨聚  
無相聚世尊說彼非解非脫非出要非離唯  
有一第一義解脫謂盡諦是是謂斷多計解  
脫意故世尊說一諦無二或曰一諦者道諦  
之是斷多計道意故異學欲令多有道不食  
卧灰上叉手隨日月服氣食果裸形卧棘上  
著弊草衣世尊說此非道是惡道此不可依

非是人所行惡人所行唯一第一義道謂道諦是是謂斷多計道意故世尊說一諦無二如世尊所說契經二諦等諦第一義諦問曰云何等諦云何第一義諦答曰等諦者苦諦習諦等入此中謂婦人男子小兒小女若來若去若坐若住現種種行第一義諦者盡諦道諦更有說者等諦者三諦彼盡亦說如城現如彼岸第一義諦者是道諦更有說者一切四諦是等諦亦第一義諦彼道諦亦說如筏現如山是故一切四諦是等諦亦第一義諦苦諦習諦中等如前所說婦人男子小兒小女若來若去若坐若住現種種行第一義

者無常苦空非我因習有緣盡諦中等如所  
說如園觀彼岸城三耶三佛所說第一義者  
盡上妙離道諦等者如所說筏大石山生七  
華成八種水第一義者道正趣出要是故一  
切四諦中起等亦起第一義問曰若一切四  
諦中起等亦起第一義者彼等應有十八界  
十二入五陰第一義亦應有十八界十二入  
五陰彼等諦第一義諦何差別尊者婆須蜜  
說曰等諦者是諸法名第一義諦是諸法性  
重說曰等諦者是俗數第一義諦者賢聖數  
等諦第一義諦是謂差別問曰彼等於第一  
義中是第一義耶為非耶若等於第一義中

是第一義者應有一諦是第一義諦無有二  
諦若等諦於第一義中非第一義者亦應有  
一諦是第一義諦無有二諦作此論已答曰  
有此等於第一義中是第一若等諦於第一  
義中非第一義者如來說二不是真實若如  
來說二真實者是故可知等諦於第一義中  
是第一義問曰若等諦於第一義中是第一  
義應有一諦是第一義諦無有二諦答曰是  
一諦第一義諦問曰若是一諦第一義諦者  
云何如來說二諦答曰因事故如來說二諦  
若事是等諦此事非第一義諦若事第一義  
諦此事非等諦如一痛說四緣因緣次第緣



增上緣所緣緣彼雖一痛說四緣但若事因緣非此事乃至增上緣若事增上緣非此事乃至因緣如是一痛說六因相應因共有因自然因一切遍因報因所作因彼雖一痛說六因但若事相應因非此事乃至所作因若事所作因非此事乃至相應因如是一諦第一義諦若事等諦非此事第一義諦若事第一義諦非此事等諦尊者陀羅難提說曰性名等諦苦諦習諦所攝如世尊契經所說異學梵志梵志有三諦云何爲三此異學梵志梵志作是說不害一切衆生若異學梵志梵志作是說不害一切衆生是謂異學梵志梵

志一諦復次異學梵志梵志作是說我於他  
無所爲他於我無所爲若異學梵志梵志作  
是說我於他無所爲他於我無所爲是謂異  
學梵志梵志二諦復次異學梵志梵志作是  
說諸所習法皆是盡法若異學梵志梵志作  
是說諸所習法皆是盡法是謂異學梵志梵  
志三諦問曰此中云何說梵志云何諦答曰  
梵志者外諦者即此三餘者盡虛妄更有說  
者梵志者此內法諦者即此三世尊說契經  
斷異學意故異學自言是梵志常逼促他爲  
齋故殺牛亦殺羊雞猪亦殺種種衆生爲齋  
故世尊說逼促他非梵志謂不害一切衆生

是第一義梵志異學自言是梵志有所爲故  
行梵行爲天女爲天食世尊說若有所爲故  
行梵行非梵志謂無所著無所愛無所爲行  
梵行是第一義梵志異學自言是梵志著斷  
滅計常世尊說若著斷滅計常非梵志謂諸  
所習法皆是盡法是謂第一義梵志是謂梵  
志此內法諦者即此三佛說契經斷異學意  
故或曰此中說三分法身戒身定身慧身彼  
不害一切衆生者是戒身我不爲他他不爲  
我者是定身諸所習法皆是盡法者是慧身  
如三身三戒三思惟亦尔或曰此中說三三  
昧方便空無願無相彼不害一切衆生者是

空三昧方便我不爲他他不爲我者是無願  
三昧方便諸所有習法皆盡者是無相三昧  
方便或曰此中說根本三三昧空無願無相  
三昧彼不害一衆生者是空三昧我不爲他  
他不爲我者是無願三昧諸所習法皆是盡  
法者是無相三昧以是故此中說根本三三  
昧如佛契經說此是已行正法所謂廣說四  
諦問曰何以故說已正行答曰謂已行者已  
修道行非因他修道是謂說已正行問曰云  
何知答曰有佛契經契經中有頭陀梵志到  
世尊所而說偈言

我觀世天人 梵志行無積 我今禮大仙

拔我疑網刺

問曰此梵志何所說答曰彼梵志懈怠至世尊所已沙門瞿曇爲我故修道令我意中結盡世尊爲彼說偈

我不能脫汝

梵志及餘世

若知極妙道

汝可度此流

問曰如來何所說答曰世尊說梵志不因他修道令汝結盡若梵志因他修道汝結盡者我在道樹下時一切衆生皆應結盡我於一切衆生極有大悲但梵志非因他修道令汝結盡梵志如已病服藥非他病得愈如是梵志已有結病服聖道藥非他結病得愈如梵

志已服藥已病愈如是梵志已有結病服聖  
道藥已結病愈以此契經可知自行四諦非  
因他行是故說已正行或曰不正令入正是  
故說已正行不正者凡夫是正者聖道是令  
不正凡夫使入於正道道果是故說已正行  
或曰正令入正是故說已正行正者世間第  
一法正者苦法忍令正世間第一法使入正  
苦法忍是故說已正行問曰何以故聖諦說  
已正行非說界入陰答曰謂此聖諦極上受  
化者亦極上說界者為始行說入者為少習  
行說陰者為已成行此聖諦一向近法身謂  
彼近見聖諦者或曰謂說聖諦取證得果除

結漏盡非界入陰以是故聖諦說已正行非  
界入陰問曰四聖諦者云何立四聖諦爲種  
耶爲因果耶爲觀耶若種者應有三離苦無  
習離習無苦是一諦盡二道三若因果者應  
有五如若若有因有果是二諦道亦有因有果  
是四諦盡諦五若觀者應有八前觀欲界苦  
後觀色無色界前觀欲界行因後觀色無色  
界前觀欲界行盡後觀色無色界前觀欲界  
行道後觀色無色界作此論已答曰因果故  
便立四諦問曰若尔者應有五如若有因有  
果彼一切苦習趣道有習趣道貪習趣道貪輪  
轉生死習趣道如是道有因有果彼一切苦

盡趣道有盡趣道貪盡趣道輪轉生死盡趣道云  
何因果故立四諦答曰因三事有漏無漏故因  
果故誹謗信故此四聖諦二種有漏無漏有漏  
者有因有果謂有漏因彼立一諦習諦是謂有  
漏有果立二諦苦諦是無漏種者亦有因有果  
謂無漏有因有果者立一諦道諦是謂無漏有  
果無因者立二諦盡諦是問曰謂無漏種有因  
有果何以故立一諦非二答曰誹謗信故此苦  
有二種謗無苦無習如此中二種謗應當發二  
種信彼道謂有因有果彼一切同一謗無有  
道如同一謗如是應當發一信是謂因三事  
有漏無漏故因果故誹謗信故立四聖諦更



有說者亦因觀故立四聖諦謂欲界苦及色  
無色界苦彼一切同一觀逼迫一相故謂欲  
界行因及色無色界行因彼一切同一觀本  
末一相故謂欲界行盡及色無色界行盡彼  
一切同一觀一止相故謂欲界行道及色無  
色界行道彼一切同一觀一出要相故是謂  
同一觀故立四聖諦問曰云何四聖諦爲善  
根聖耶爲無漏聖耶爲聖所成就耶若善根  
聖是聖諦者便有二諦善盡諦道諦二諦三  
種善不善無記苦諦習諦是若無漏聖是聖  
諦者便有二無漏盡諦道諦二有漏苦諦習  
諦若聖所成就是聖諦者非聖亦成就如所

說誰成就。苦諦習諦。答曰：一切衆生作此論。已。答曰：聖所成就是故。聖諦問曰：如非聖亦成就如所說。誰成就苦諦習諦。答曰：一切衆生。答曰：謂成就一切四聖諦。彼是聖，非聖者雖有成就，但不成就一切四聖諦。是故不說。聖問曰：彼聖亦不成就四聖諦，謂具縛入苦法忍中。答曰：少一時頃於彼上生苦法智已成就一切四聖諦。或曰：此是聖所諦，聖所知。聖所見，聖所了，聖所觀，聖所覺，是故說聖諦。或曰：謂得聖戒是聖，彼聖有此諦，是故說聖諦。或曰：謂得聖財是聖，彼聖有此諦，是故說聖諦。或曰：謂聖得止觀是聖，彼聖有此諦，是

故說聖諦。或曰：謂得聖印是聖，彼聖有此諦。是故說聖諦尊者。僧迦婆修說曰：彼時凡夫共聖人諍，凡人說此是我聖人說，此非我凡人說，此是樂聖人說，此是苦凡人欲令無因，不正因聖人欲令有因。正因彼共諍，便至世尊所到。已如此義，白世尊。世尊說如聖所說。此是聖所諦，聖所知，聖所見，聖所了，聖所觀。聖所覺，問曰：如汝說一切恒沙三耶三佛說聖諦，一切皆有諍耶？此者不論如是好如前所說，聖所諦，聖所知，聖所見，聖所了，聖所觀。聖所覺，是故說四聖諦。云何四？苦聖諦，苦習聖諦，苦盡聖諦，苦盡道聖諦。云何生

苦老。苦病。苦死。苦怨憎會。苦愛別離。苦所求  
不得。苦略言之。五盛陰。苦彼生。苦者因一切  
苦故。老苦者少壯變故。病苦者境界斷故。死  
苦者大憂悲故。怨憎會苦者一切猷惡故。愛  
別離苦者所念相違故。所求不得苦者不從  
願故。略言之。五盛陰。苦者衆。苦依故。復次生  
苦者起。苦故老。苦者容色敗。故病苦者一切  
不堪。故死。苦者多煩惱熱。故怨憎會。苦者見  
不善故。愛別離。苦者善見相違。故所求不得  
苦者善望意斷。故略言之。五盛陰。苦者彼一  
切苦依此轉。非不依是。故說略言之。五盛陰  
苦。問曰。如五盛陰亦廣。苦何以故。世尊說略

言之五盛陰苦。答曰：如是略亦苦廣亦苦。但多苦故。世尊說略言之五盛陰苦多苦患。故如彼賊師。屏處訶責衆中。亦呵責用多過。故如是五盛陰略亦苦廣亦苦。但世尊說略言之五盛陰苦多苦患。故問曰：陰中有樂耶？無樂耶？若陰中有樂者，何以故？世尊說苦諦，不說樂諦。若陰中無樂者，摩訶男契經云：何通彼所說摩訶男若色一向是苦者，非樂樂喜長養離樂摩訶男。非是因衆生著色，此衆生不應著色。摩訶男若痛想行識，一向是苦者，非樂樂喜長養離樂摩訶男。非是因衆生著識，此衆生不應著識。摩訶男如色非一向苦。

樂樂喜長養不離樂摩呵男是因衆生著色以是故衆生著色摩呵男如痛想行識非一向苦樂是樂樂喜長養不離樂摩呵男是因衆生著識以是故衆生著識復次說三痛樂痛苦痛不苦痛不樂痛苦陰中無樂者此二經云何通作此論已有一說者陰中有樂

問曰若陰中有樂者摩呵男契經善得通此經云何通何以故說苦諦不說樂諦答曰雖陰中有樂但少以少故立苦分中猶如毒瓶一滴蜜墮中不因一滴蜜故毒瓶得名蜜瓶但毒多故名爲毒瓶非蜜瓶如是雖陰中有樂但少以少故立苦分中更有說者陰中無

樂問曰若陰中樂無者此經爲善通以是故  
說苦諦不說樂諦摩呵男契經云何通答曰  
此說是俗數亦說聖數如俗數者陰中可有  
樂如彼行疲小息便言樂寒小得熱便言樂  
熱得少涼便言樂飢少得食便言樂渴少得  
飲便言樂如聖數者如是陰中無樂如聖觀  
地獄中界入陰熾燃至第一有亦尔如是俗  
數陰中有樂聖數陰中無樂云何苦習愛習  
聖諦謂此愛當來有喜欲俱愛樂彼彼有問  
曰如阿毗曇所說習諦云何有漏緣何以故  
佛世尊一切有漏種獨當來有愛立習諦耶  
答曰此愛施設習時攝愛種是故佛一切有

漏種一當來有愛立習諦如思施設行時攝  
愛種是故佛一切相應不相應行陰中一思  
立行陰如是此愛施設習時攝愛種是故佛  
一切有漏種一當來有愛立習諦或曰謂愛  
過去當來現在苦說根本如所說此愛過去  
當來現在苦因根將本作緣有習等起或曰  
謂愛數數轉苦時增上上主如所說偈  
如樹根不拔 斷截還復生 不拔愛根本  
數數還受苦  
謂愛數數轉苦增上主以故亦或曰謂說愛  
如母如所說偈  
愛中生士夫 彼心馳趣向 衆生入生死



受苦甚恐怖

謂愛說如母以故尔或曰謂愛男種女種生長養謂此衆生趣向東西南北以供養父母及妻子奴婢一切皆由愛故如此鳥從一山谷殺魚還以養子一切皆由愛故謂愛男種女種生長養以故尔或曰謂愛衆生數非衆生數生長養謂此衆生畜象馬駝牛驢騾猪羊奴婢金銀琉璃車渠瑪瑙珊瑚琥珀謂愛衆生數非衆生數生長養以故尔或曰謂愛數數微細行如削刀削物不覺如是此愛數數微細行行時不可覺以故尔或曰謂愛無厭足如人飲鹹水飲已增渴如是衆生未除

欲若得境界已增益其愛謂愛無厭足以故  
亦或曰謂難捨不可除如人為二羅刹所持  
一為母形二為己形謂己形者彼易防護謂  
母形者不可防護如是衆生未除欲者多為  
二結所持愛及瞋恚恚者如己形此易防護  
愛者如母形不可防護謂愛難捨不可除以  
故亦或曰謂愛說如羅刹如羅刹見商人舩  
壞而往問訊善來諸賢善來大仙人此間園  
觀快樂無極宮舍可樂此多諸珍寶種種具  
足盡持相與可共我等娛樂此間如彼各隨  
所欲然後斷其命根而食之食彼人時若有  
餘殘髮毛爪齒盡取食之無有遺餘食彼人

時血滴墮地以指爪搗而食之如是此愛因  
時和顏悅色果時便異斷慧命根墮地獄中  
極受惡苦謂愛說如羅刹以故尔或曰謂愛  
潤漬相著此愛潤漬著衆生不至涅槃如蠅  
膠著蜜瓶及濕牛皮力不能飛如是此衆生  
愛所潤漬著無力至涅槃以故尔或曰謂以  
愛起生死蟲道如有水處彼能起蟲道如是  
愛起生死蟲道以故尔或曰謂愛性壞散有  
爲能合會如以水合會性散壞沙如是此愛  
性壞散有爲能合會以故尔或曰謂愛潤漬  
一切生死不萎乾如水潤漬一切藥草樹木不  
萎乾如是愛潤漬一切生死不萎乾以故尔

或曰謂愛潤漬識種子生有萌芽如水漬種  
子萌芽得生如是愛潤漬識種子生有萌芽  
以故尔或曰愛若意中著彼餘結皆著如衣  
有膩塵垢染著如是此愛謂意中著彼餘結  
皆著以故尔或曰謂愛若意中樂彼餘結皆  
樂如有水處蝦蟇魚樂中如是謂愛若意中  
樂彼餘結皆樂以故尔或曰謂愛受三有種  
名彼初者名為愛種廣者名為受種已滅者  
名為無明種謂愛受三有種名以故尔或曰  
謂受說如羅網說水說灑如所說比丘我當  
為說愛羅網水灑謂此衆生所纏裹陰蓋覆  
蔽以故尔或曰謂說不可計如所說偈曰

本有斯一愛

此愛便有二

愛為連鈎鎖

彼愛不可計

謂說愛不可計以故介或曰謂愛說廣如所

說偈問曰

廣無過於地

深無能踰海

高無出須弥

力無勝那延

佛答偈曰

廣無過於愛

腹為難可滿

憍慢最增上

大士無勝佛

或曰謂愛染污一切正受增上主如阿毗曇

所說味相應初禪當言入味耶當言起味耶

答曰若味是入已味是起味相應乃至有想

無想處當言入味耶當言起味耶答曰若味  
是入已味是起謂愛染污一切正受增上主  
以故尔或曰謂依愛於母胎有所依因父母  
不淨便有精以故尔或曰謂愛持去狂愚如  
羅刹女所說伽弥尼持去者是愛以故尔或  
曰謂愛當來有依欲令得當來身樂欲樂欲  
已願求願求已便轉成以故尔或曰謂愛界  
斷地斷種斷根斷以故尔或曰謂愛盛一切  
結以故尔或曰謂愛爲首說十法如所說何  
難因愛求因求利因利計校因計校欲因欲  
者因著慳不捨因慳不捨家因家守因守故  
阿難便知便知有刀杖因有刀杖便闢諍諛

諂欺誑妄言意中便生無量不善法以是故  
佛契經一切有漏種獨一當來有愛立習諦  
愛盡苦盡聖諦云何謂此愛當來有喜欲俱  
無餘斷捨吐盡無欲滅止設問曰如此亦習  
盡何以故世尊說苦盡不說習盡答曰應說  
如說苦盡習盡亦尔若未說者是世尊有餘  
言此現義義門義略義義度當知義或曰爲教  
化者令彼欲故如佛說苦盡如是受化者聞  
已欲得盡彼作是念彼盡極妙謂離此弊惡  
苦以是故佛契經說苦盡不說習盡苦盡道  
聖諦云何謂八聖道是正見正志正語正業  
正命正方便正念正定問曰如此習盡道何

以故說苦盡道不說習盡道。答曰：應說如說苦盡道，說習盡道亦尔。若未說者是世尊有餘言，此現義義門。若義略義度，當知義。或曰：彼習此中已說，謂離習無有苦，離苦無有習。已說苦盡道，當知已說習盡道。或曰：為教化者，令彼欲故。如佛說苦盡道，如是受化者聞已，欲得道，彼作是念：彼道極妙，謂能斷此弊惡苦。以故尔。或曰：不受苦時，現道功。故彼道問其義，能令因不作。因耶能令果非果耶？道義答曰：我不能令因不作，因不能令果非果。但所因及緣生苦者，彼緣彼因要當壞。彼更不復受苦，更不復與苦相續。更不復與苦作。



因是謂不受苦現道功故以故。尔或曰斷非  
謗故說苦盡道謂七歲八歲得阿羅漢果於  
彼上或百歲在生死中多受苦世間者誹謗  
彼道何所能而令彼受尔所苦世尊說謂道  
所應為已為斷當來苦壽盡已更不復受苦  
更不復連續苦更不復與苦作因是謂斷非  
謗故佛契經說苦盡道非說習盡道如世尊  
契經說謂無量種諸善法和合彼一切盡攝  
入四聖諦四聖諦者於彼說第一謂攝故諸  
野衆生足一切盡攝入象足中象足者於彼  
說第一謂廣大故如是諸無量種善法和合  
彼一切盡攝入四聖諦四聖諦者於彼中說

第一謂攝故問曰設使有三聖諦有爲和合  
彼盡諦無爲云何和合荅曰假使不和合但  
攝故名爲和合或曰此說得故雖彼盡諦不  
和合但彼得是和合是謂得和合故說或曰  
和合說二有和合起和合此三諦二和合有  
和合起和合彼盡諦諦起和合但有和合是  
謂有和合故說如世尊契經說慧根當何所  
觀四聖諦是問曰爲攝故說爲緣故說若攝  
故說者不應慧根攝四聖諦亦非四聖諦攝  
慧根若緣故說者是一切法緣作此論已荅  
曰非攝故說亦非緣故說問曰若不介者此  
云何荅曰因事故此慧根事得四聖諦增上

主是故世尊說慧根何所觀四聖諦是如信  
根事得四不壞信增上主是故世尊說信根  
何所觀四不壞信是精進根事於四意斷增  
上主是故世尊說精進根何所觀四意斷是  
念根事於四意止增上主是故世尊說念根  
何所觀四意止是定根事於四禪增上主是  
故世尊說定根何所觀四禪是如是此慧根  
於四聖諦增上主事是世尊說慧根何所觀  
四聖諦是云何四謂苦聖諦習盡道聖諦問  
曰如前因後果何以故世尊前說苦後說習  
答曰此苦麤是故以前說習細是故後說如人  
前學射箕泥團草束然後能射著毛不僻錯

如是此苦鹿彼學已然後觀習細問曰如前  
修道然後盡作證何以故卅尊前說盡作證  
後說修道答曰謂觀盡觀道隨順問曰云何  
觀盡觀道隨順答曰彼行者前盡作證已然  
後求道當以何道得至涅槃如人欲進路時  
問他人士當示我道彼還問欲至何所曰我  
欲至某城彼曰此是道已知彼城說道易如  
是若前說道後說盡便不知趣何道如前說  
盡後說道已知盡便修道易或曰彼行者因  
道前除三諦癡然後道道緣現在前謂除道  
諦癡如人先見他面不自見面以明淨鏡自  
照其面如是彼行者彼因道先前除三諦癡

後道道緣現在前謂除道諦癡以是故世尊  
前說盡後說道問曰如前斷習後知苦何以  
故世尊前說知苦後說斷習答曰欲拔苦根  
本故如樹前執持枝葉後斷其根易如是生  
死樹前知苦已後斷習易以故尔或曰謂此  
觀苦能來觀習觀習已能來觀盡觀盡已能  
來觀道道不可以不觀苦而觀習盡道或曰  
謂苦慧能來習盡道慧不可以不起苦慧能  
起習盡道慧或曰謂觀苦觀習盡道方便門  
依不可以不起苦觀能起習盡道觀或曰謂  
觀苦觀習盡道因根將本作緣有習等起不  
可以不起苦觀能起習盡道觀或曰謂觀苦

觀習盡道生持等持增長養不可以不起苦  
觀能起習盡道觀或曰謂苦癡能執持習盡  
道癡不可以不除苦癡能除習盡道癡或曰  
謂苦不癡能令習盡道不癡不可以苦不癡  
能令習盡道不癡尊者彼奢說曰彼行者觀  
五陰如癰已然後求因此從何生觀從習生  
云何令無謂滅盡涅槃云何至謂聖八道種  
如人身中生癰極苦痛膿血流出彼求所因  
此從何生觀知或風寒熱云何令無安隱處  
云何至安隱或服藥吐下或破如是彼行者  
觀五陰如癰已後求因此從何生觀從習生  
云何令無謂滅盡涅槃云何至謂八聖道種

復次行者觀五陰妒患已後求因此從何生  
觀從習生云何今無謂滅盡涅槃云何至謂  
八聖道種如人有見作賊凶暴隨惡知識後  
求因誰壞我見觀從惡知識生誰能制之觀  
善知識是如是彼行者觀五陰如患已後求  
因此從何生觀從習生云何今無謂滅盡涅  
槃云何至謂八聖道種以是故彼行者前知苦  
已後斷習斷習已次盡作證盡作證已後修  
道以是故前說苦後說習盡道

鞞婆沙論卷第八

洛

癰

反紉恭

刺

反七賜

棧

音佞

詣

反上下俗

作倭

反如定

逼

迫

上

彼

力

反

培

阜

上

丁

回

反

裸

形

上

曾

裸

亦

作

又

云

胡

棘

棘

力

反

紀

賊

帥

類

率

屏

處

餅

音

削

思

約

鹹

鹹

音

咸

詛

訊

音

信

娛

樂

愚

歡

瓜

摑

上

巧

反

下

俱

獲

反

潤

漬

下

在

膠

交

菱

烏

為

蝦

蟻

二

字

音

覆

蔽

上

祭

副

下

諛

諂

上

羊

箕

居

其

僻

正

作

撲

紆

陌

反

潤

漬

下

在

膠

交

菱

烏

為

蝦

蟻

昔

上

落

反

必

祭

副

下

諛

諂

上

羊

箕

居

其

僻

遐

麻

音

覆

蔽

上

祭

副

下

諛

諂

上

羊

箕

居

其

僻

二

字

音

覆

蔽

上

祭

副

下

諛

諂

上

羊

箕

居

其

僻

正

作

撲

紆

陌

反

潤

漬

下

在

膠

交

菱

烏

為

蝦

蟻

昔

上

落

反

必

祭

副

下

諛

諂

上

羊

箕

居

其

僻



